



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-11-3-3845-14/21

Datum: 10.12.2021.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 10.12.2021.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

O D L U K U

o izboru najpovoljnijeg ponuđača

I

Najpovoljnija ponuda u predmetu nabavke radova "Izgradnja objekta osnovne škole u Medakovu, II faza" po cijeni bez PDV-a u inosu od 420.000,00 KM (slovima: četiristotinedvadesethiljada i 00/100 konvertibilnih maraka) odnosno sa PDV-om u iznosu od 491.400,00KM (slovima: četiristotinedvedesetjednahljadačetiristotine i 00/100 konvertibilnih maraka) je ponuda ponuđača INTER doo Tešanj.

II

Ponuda je dostavljena u otvorenom postupku koji je objavljen na Portalu javnih nabavki dana 12.10.2021.godine pod brojem:375-1-3-202-3-64/21, obavještenje o nabavci objavljeno u Sl.glasniku BiH broj:63/21 dana 15.10.2021.godine pod brojem:sl-19735-21, kriterij za dodjelu ugovora je najniža cijena.

III

Obavezuje se izabrani ponuđač (ako uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda ponuđača INŽENJERING 1 doo Jelah je formalno neispravna jer ista nije pripremljena na način kako je propisano tenderskom dokumentacijom, te se ista odbacuje.

V

Za realizaciju Odluke zadužuju se Služba za društvene djelatnosti i investicije općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

O b r a z l o ž e n j e

Postupak javne nabavke za radove "Izgradnja objekta osnovne škole u Medakovu, II faza" pokrenut je Odlukom o pokretanju postupka broj:02-11-3-3845-2/21 od 08.10.2021.godine. Odabran je otvoreni postupak, koji je objavljen na Portalu javnih nabavki dana 12.10.2021.godine pod brojem:375-1-3-202-3-64/21, obavještenje o nabavci objavljeno u Sl.glasniku BiH broj:63/21 dana 15.10.2021.godine

pod brojem:sl-19735-21, procijenjena vrijednost javne nabavke je 358.974,00KM bez PDV-a a kriterij za dodjelu ugovora je najniža cijena.

U ostavljenom roku za dostavu ponuda pristigle su 4 (četiri) ponude i to: ponuda DŽENA doo Gradačac, INŽINJERING 1 doo Jelah, ČOSIĆPROMEX doo Žabljak – Usora i ponuda INTER doo Tešanj.

Komisija za javne nabavke imenovana rješenjem Općinskog Načelnika broj: 02-11-3-3845-4/21 od 27.10.2021. godine izvršila je dana 08.11.2021.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 3 (tri) ponude formalno ispravne (sadržajno kompletne i ispravnog sadržaja), i da se kao takve mogu ocjenjivati u skladu sa zahtjevom za dostavu ponuda, te je nastavljen postupak u pravcu zakazivanja E-aukcije jer je tenderskom dokumentacijom i predviđena E-aukcija.

Tačkom 5.1. Tenderske dokumentacije predviđeno je da će se u ovom postupku dodjele ugovora primjeniti E-aukcija za ponuđače koji su podnijeli prihvatljive ponude te je ugovorni organ zakazao E-aukcija za dan 16.11.2021.godine od 12:00 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije od 16.11.2021.godine vidljivo je da INTER doo Tešanj kao ponuđač zauzima prvo mjesto na Konačnoj listi ponuđača koji su učestvovali u E-aukciji.

Komisija je uz suglasnost Općinskog načelnika budući da je ponuđena cijena viša od procijenjene vrijednosti javne nabavke (akt od 09.12.2021.godine u predmetu spisa) uz dobijeno obrazloženje Stručnog saradnika za programe planiranja i razvoja investicija (akt od 22.11.2021.godine) te na osnovu donesene odluke o preraspodjeli finansijskih sredstava (odluka od 26.11.2021.godine) te obezbijeđenja nedostajućih sredstva za realizaciju predmetne nabavke, komisija je nastavila sa aktivnostima na predmetu, u pravcu prijedloga za izboru najpovoljnijeg ponuđača, te sačinila konačnu listu kako slijedi:

1. INTER doo Tešanj
2. ČOSIĆPROMEX doo Žabljak – Usora
3. DŽENA doo Gradačac

Komisija je kod ocjene ponuda takođe utvrdila da,

- ponuda ponuđača INŽINJERING 1 doo Jelah je formalno neispravna naime podatci vezani za cijenu u Obrascu za cijenu ponude (ukupna cijena bez PDV-a, popust i ukupna cijena sa popustom bez PDV-a) su različiti u odnosu na unesene podatke cijene u Izjavi ponuđača, te samim tim predmetna ponuda nije formalno ispravna.

Ponuda ponuđača INŽINJERING 1 doo Jelah je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-11-3-3845-13/21 od 10.12.2021.godine), da se u predmetu javne nabavke radova "Izgradnja objekta osnovne škole u Medakovu, II faza", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove određuje ponuda ponuđača INTER doo Tešanj, odnosno kako je to navedeno u tački I ove Odluke, te da se sa istim zaključi ugovor u skladu sa ponudom i postignutom cijenom na E-aukciji za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljnija izabrana je ponuda ponuđača INTER doo Tešanj, za ponuđenu cijenu na E-aukciji održanoj dana 16.11.2020.godine po cijeni bez PDV-a od 420.000,00 KM (slovima: četiristotinedvadesethiljada i 00/100 konvertibilnih maraka) odnosno sa PDV-om u iznosu od 491.400,00KM (slovima: četiristotinedvedesetjednahiljadačetiristotine i 00/100 konvertibilnih maraka).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x4,
2. Služba za društvene djelatnosti i investicije,
3. Web stranica općine Tešanj, elektronski,
4. Predmet.

Handwritten signature



OPĆINSKI NAČELNIK

Handwritten signature

mr. sci. Suad Huskić

